

TE KURA KAUPAPA MĀORI O NGĀ MOKOPUNA

HE PUNA KŌRERO

“Ko te Aho Matua te tāhuhu o tōku whare. Ko te reo, me ōna tikanga, ngā heke, whakamau. Ko tewhānau, te whanaungatanga ngā pou.”

4.2 Kia kua te tamaiti e herea ki te ao kohatu. Kia wātea hoki ia ki te kapo mai i ngā painga, i ngā māramatanga katoa o te ao whānui



Karakia Whakauru

Ka hua te tau.
Ka hua te rā.
Te Marama o Hina.
Ka tau nei te moana.
Whakarupū, Whakarupē,
Te whare-pā,
Ka uru-tōpito ki a Tū, ki a Rongo,
Kia mārama (mārama)



Horokau ana te tangi o ngā kamo. Kore mutu whengu ake te rere o te hupē. Ka matikara haehae i te kiri toto e kaikini nei e. E tāupetia nei te korowai o te parekawakawa. E rere rā ngā manu tātariki, ngā manu taupua ki te tāpuhipuhi o te taumata okiokinga o ngā mātua tīpuna. He tangi apakura ki a kotou kua riro nei i te hao a Hine-nui-te-pō.

Ki ngā whānau tahito, ki ngā whānau hou hoki e taupua nei i a kotou tamariki, i ngā mokopuna hoki, ā, nau mai, hoki mai rā ki raro i te korowai o Te Aho Matua. Kia noho ora mai i raro i ngā manaakitanga o tā tātau kaihangā.

Te Haerenga ki Paekākā

Kua hikina te haerenga a KuraTuatahi ki Paekākā. Ko tōna tikanga ka tū ā te Wenerei/Tāite (19-20/02/25) o te wiki e tu mai. Heoi anō, taihoa nei kia kitea he rā anō ki te tutuki pai i tā mātau haerenga.



Nga Purapura Hou

4.1 Ko tōna ake kāinga te ao tuatahi me te kura timatanga o te tamaiti. Tua atu o tēnei ko te ao Māori. Mā te Kura Kaupapa Māori ia e arahi i roto i ēnei nekeneke tae noa ki tōna kura whaka-mutunga, ara, ki te ao whānui me ōna āhuetanga katoa.

Kōhungahunga Teina



Ko Tūrei-Heke tōku
ingoa
He uri ahau nō
Ngāpuhi, nō
Whakatōhea, nō
Tūhoe



Ko Kupa Amai tōku
ingoa
He uri ahau nō
Ngāti Porou, nō
Ngāi Tāmanuhiri,
nō Kāi Tahu



Ko Dara Boyle tōku
ingoa
He uri ahau nō
Ngāpuhi



Ko Manahau Milner
tōku ingoa
He uri ahau nō
Ngāti Ruanui, nō
Ngāti Tūwharetoa,
nō Ngāti Porou

Kōpuapua Tuakana - Tau 4



Ko Amorangi Te Amo-Hardwick
tōku ingoa
He uri ahau nō Waikato, nō Ngāi
Tahu/Kāi Tahu, nō Rangitane

Kōpuapua Teina - Tau 3



Ko Kiwa Tapu tōku ingoa
He uri ahau nō Te Ātihaunui-a
Pāpārangi, nō Ngāti Maniapoto

Nga Kaiako Hou

Kapi noa i e,
kapi noa i e,
kapi noa ki runga Kaweka Kaweka,
ko Kahukuranui e tū nei, e tū nei, ē!

Kei aku rangatira mā, tēnā rā koutou,

Ko Lewis Te Rito Johnson tēnei e ū mai ana ki Kirikiri-Tatangi me ngā tini tai o mihi. Kua māhaki katoa tōku ngākau ki te piri mai ki tō tātou whānau o TKKM o Ngā Mokopuna. Māku e kumanu i ngā Kōpuapua Tuakana i tēnei tau. Kei te tino hīamo ahau ki te ako ki o koutou taha, ki te tūtaki i a koutou hoki.

He uri tēnei nō Te Matau-a-Māui whānui, nō Rongomaīwahine, Kahungunu, Rongowhakaata, Rangitāne, ā, ki te taha o tōku Pāpā nō te tairāwhiti o Īnia, ko Kolkhata me Darjeeling ōku whenua tapu.

I tipu ake ahau ki tēnei whanga nui a Tara. E ngākaunui ana ahau ki te poitūkohu, te tunu kai, te inu kawhe me te moe roa. I whiwhi ahau i taku tohu paetahi ki Te Herenga Waka (BA, Te Reo Māori, Māori Studies, Psychology) kātahi ka riro i a au taku tohu kaiako ki Te Wānanga o Raukawa i tērā tau.

Nōku te maringanui ki te whaihuruhuru kei tō tātou ōwhanga o te whanaungatanga i raro i te maru o Te Aho Matua.

Kei tōku whānau hou, e kore te aroha me te whakawhetai e mimiti ki a koutou.

Hei te ihu.



Kia ora, Ko Kath Haines tōku ingoa. Nō Ingarani, nō Airaini, nō Kotirana anō hoki ōku tūpuna. I tipu ake au i Te Awakairangi, heoi, kei Ngā Puna Waioira/ Newtown ahau e noho ana. E rua āku tamariki - ko Sydney rāua ko Arthur. E kaingākau au ki te hīkoi i te ngahere, ki te kaukau i te moana, ki te eke paihikara anō hoki. Ko te mātai koiora (biology), ko te mātai matū (chemistry), ko te pūtaiao whānui, ko te hauora hoki āku kaupapa whakaako. Kua 12 ngā tau e whakaako ana au ki Te Kura Kōhine o te Rāwhiti, arā, ko Wellington East. Nōku te whiwhi ki te tae mai ki Te Kura Kaupapa Māori o Ngā Mokopuna

Hākinakina

Poiuka - U15



Ngā tima Poitūkohu Morehu Māori





Hōtaka – Wahanga 1

	Rāhina	Rātū	Rāapa	Rāpare	Rāmere	Ngā rā whakatā
Wiki 1 03/02-09/02				Te Rā o Waitangi		
Wiki 2 10/02-16/02		Kauhoe 1.00-3.00pm				
Wiki 3 17/02-23/02		Kauhoe 1.00-3.00pm				
Wiki 4 24/02-02/03		Kauhoe 1.00-3.00pm				
	TE MATATINI O TE KĀHUI MAUNGA - HE KĀHUI TUPUA, HE KĀHUI WAIRUA					
Wiki 5 03/03-09/03		Kauhoe 1.00-3.00pm				
Wiki 6 10/03-16/03		Kauhoe 1.00-3.00pm				
Wiki 7 17/03-23/03		Kauhoe 1.00-3.00pm				
Wiki 8 24/03-30/03		Kauhoe 1.00-3.00pm		Hui-ā-tau ki Turanginui-a-Kiwa		
Wiki 9 31/03-06/04		Kauhoe 1.00-3.00pm			Manu kōrero (TRM)	
Wiki 10 07/04-13/04			Manu Kōrero (TRP)	Rā Kaumātua	Hui Rangatahi TWOR (whk)	